

Broj: 11-17-440/26
Sarajevo, 29-05-2026

Na osnovu člana 72. stav 3. Zakona o javnim nabavkama („Službeni glasnik BiH“, broj 39/14, 59/22 i 50/24), a na Preporuku Komisije za javnu nabavku broj: 11-17-440/26 od 28.05.2026. godine, u postupku javne nabavke putem konkurentskog zahtjeva – nabavka usluge čišćenja i održavanja službenih prostorija Javne ustanove Federalna novinska agencija u Sarajevu, direktor Javne ustanove Federalna novinska agencija na usaglašen stav sa zamjenikom direktora, d o n o s i

O D L U K U

o dodjeli ugovora drugorangiranom ponuđaču za nabavku usluge čišćenja i održavanja službenih prostorija Javne ustanove Federalna novinska agencija za LOT 1

Član 1.

S obzirom na ispunjenje uslova iz člana 72. stav 3. tačka a) Zakona o javnim nabavkama, u postupku nabavke usluge čišćenja i održavanja službenih prostorija Javne ustanove Federalna novinska agencija za LOT 1 u Sarajevu, **ugovor o javnoj nabavci usluge dodjeljuje se drugorangiranom ponuđaču:**

„MIŠKO GROUP“ D.O.O. ŽEPČE, ulica Papratnica broj 108, Žepče, ID broj: 421862720005 za cijenu ponude, nakon održane e-aukcije, u iznosu od 9.900,00 KM bez PDV-a.

Član 2.

Ponuđač „MIŠKO GROUP“ D.O.O. ŽEPČE dužan je po prijemu ove odluke, u roku od 5 dana dostaviti dokumente navedene u tački 2.1.3. tenderske dokumentacije u radnom vremenu ugovornog organa, a najkasnije do 16:00 sati u ulici Obala Kulina bana br.16, Sarajevo.

Član 3.

Za izvršenje ove odluke zadužuje se i ovlašćuje Odjel za razvoj, opće, pravne i finansijske poslove.

Član 4.

Ova Odluka stupa na snagu danom donošenja te uputit će se ponuđačima koji su učestvovali u postupku javne nabavke.

Ovom Odlukom stavlja se van snage Odluka o izboru najpovoljnijeg ponuđača broj: 11-17-358/26 od 19.05.2026. godine.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 11-17-480/26 od 30.04.2026. godine.

Javna nabavka je sprovedena putem konkurentskog zahtjeva za dostavljanje ponuda. Obavještenje o nabavci broj: 14753-7-2-116-3-19/26 objavljeno dana 30.04.2026. godine na portalu javnih nabavki dok je sažetak obavještenja o nabavci objavljen u Službenom glasniku BiH broj: 33/26 od 08.05.2026. godine.

Ukupna procijenjena vrijednost javne nabavke bez PDV-a za LOT 1 je 14.000,00 KM. Komisija za javnu nabavku imenovana je Rješenjem broj: 11-17-482/26 od 30.04.2026. godine.

Komisija za javnu nabavku dostavila je Zapisnik o otvaranju ponuda broj: 11-17-348/26 od 13.05.2026. godine, Zapisnik o pregledu i ocjeni ponuda broj: 11-17-354/26, Izvještaj o radu broj: 11-17-356/26 i Preporuku za donošenje Odluka o izboru najpovoljnijeg ponuđača u postupku javne nabavke, broj: 11-17-355/26 od 15.05.2026. godine.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda – 3 (MIŠKO-GROUP d.o.o; MH CLEAN d.o.o; „ABV“ vl. Varka Armin)
- da su blagovremeno zaprimljene ponude - 3;
- da su neblagovremeno zaprimljene ponude- 0;
- da su 2 ponude prihvatljive;
- da je 1 ponuda neprihvatljiva/nepravilna.

Prilikom pregleda i ocjene ponude, Komisija je konstatovala da je ponuda ponuđača MH Clean d.o.o. za LOT 1 nekvalifikovana odnosno nepravilna iz sljedećeg razloga:

U Obrascu za ponudu (Aneks I) odnosno Izjavi koja je sastavni dio Aneksa I ponuđač je upisao da ponuda vrijedi 90 dana tj.do dana 03.08.2026. godine. Ponuda bi prema zahtjevima tenderske dokumentacije trebala da važi 90 dana **računajući od dana isteka roka za dostavljanje ponuda, što je 11.08.2026. godine (minimalno)** čime je ponuđač skratio važenje ponude za 8 dana odnosno da ista važi 82 dana, a ne 90 kako je to zahtijevano tenderskom dokumentacijom.

Član 60. Zakona o javnim nabavkama navodi sljedeće: Period važenja ponude određuje ugovorni organ u tenderskoj dokumentaciji. Period važenja ne može biti kraći od roka navedenog u tenderskoj dokumentaciji, ali ugovorni organ ne može da utvrdi rok kraći od 30 dana. Ako ponuđač u ponudi ne navede period njenog važenja, smatra se da ponuda važi za period naznačen u tenderskoj dokumentaciji.

Kako je i Tenderskom dokumentacijom jasno propisano da ukoliko ponuđač u ponudi ne navede period važenja ponude, onda se smatra da je to onaj period koji je naveden u TD. U slučaju da je period važenja ponude **kraći od perioda navedenog u TD**, ugovorni organ će odbiti takvu ponudu. Imajući u vidu navedeno, ponuda ponuđača **MH CLEAN d.o.o.** smatra se nepravilnom jer nije u skladu sa tenderskom dokumentacijom. U prilog navedenom je Rješenje Ureda za razmatranje žalbi broj: JN2-01-07-1-532-6/25 od 11.04.2025. godine u kojem je između ostalog zauzet stav "Uzevši da je žalitelj naveo period važenja ponude kraći od roka do kojeg bi ista trebala da važi, ugovorni organ se u smislu posljedica koja nastaje za takvu ponudu ispravno pozvao na postavljeni zahtjev iz tč.12. Tenderskog dokumenta, te u navedenom smislu, sagledavši sve okolnosti predmetnog slučaja, žalitelj nije uspio dovesti do drugačijeg činjeničnog pravnog zaključka" što je dovelo do odbacivanja njegove žalbe kao neosnovane.

Pored navedenog propusta koji je eliminatoran za nastavak učešća u postupku javne nabavke, Komisija je utvrdila računске greške u Aneksu II. Naime, u obrascu za cijenu ponude – LOT 1 za službeni prostor Obala Kulina bana br.16, prema upisanoj cijeni po satu od 22,43 KM, umnožak ukupne sedmične cijene (4,5 sata x 22,43) iznosi 100,93 KM, a ne 100,96 KM te samim tim ukupna cijena ponude (52 sedmice x sedmična cijena) trebala bi da iznosi 5.248,62 KM, a ne 5.250,00 KM kako je to i navedeno u obrascu. Isti propust je učinjen i u obrascu za službeni prostor Ćemaluša 1. gdje bi umnožak unesene cijene po satu od 22,43 KM sa 7,5 sati sedmično trebao da iznosi 168,22 KM, a ne 168,27 KM kako je navedeno, što u konačnici iznosi 8.747,70 KM, a ne 8.750,00 KM. Ukupni zbir ponude za oba službena prostora u Sarajevu trebao bi da iznosi 13.996,32 KM, umjesto upisanih 14.000,00 KM. S obzirom da se prema Uputstvu za pripremu modela tenderske dokumentacije i

10/27

ponuda jedinična cijena stavke ne smatra računskom greškom, odnosno ne može se ispravljati ali prvenstveno zbog činjenice da ponuda ponuđača ne može biti razmatrana u daljem postupku zbog propusta u periodu važenja ponude, od ponuđača nije tražena ispravka računске greške.

Također kod navedenog ponuđača utvrđeno je na nekoliko stranica u ponudama korištenje korektora/korektivne trake što je propust odnosno postupanje suprotnom uslovima tenderske dokumentacije koja jasno propisuje u tački 3.1.5. :

„Ispravke moraju biti vidljive i ne smiju se raditi korektorom, korektivnom trakom i drugim korektivnim priborom. Ispravke se trebaju vršiti na sljedeći način: neizbrisivom tintom, jednom linijom precrtati broj ili tekst koji se ispravlja, pored koga treba izvršiti novi upis, te staviti potpis i pečat ponuđača i datum ispravke, u suprotnom ponuda će biti odbijena“.

S obzirom na sve naprijed navedeno, ponuda ponuđača **MH CLEAN d.o.o.** smatra se nepravilnom jer nije u skladu sa tenderskom dokumentacijom.

Za Ponude ponuđača **MIŠKO-GROUP D.O.O. ŽEPČE** i „**ABV**“ **vl. Varka Armin** utvrđeno je da su prihvatljive ponude i u skladu sa tenderskom dokumentacijom zbog čega je za dan 15.05.2026. godine zakazana e-aukcija.

RANGIRANJE NAKON PROVEDENE E –AUKCIJE

1. „**ABV**“ **VL. VARKA ARMIN** - 9.800,00 KM - umanjenje cijene za 29,89%
2. **MIŠKO GROUP D.O.O. ŽEPČE** - 9.900,00 KM - umanjenje cijene za 24,88%


Nakon održane e-aukcije ugovorni organ je donio Odluka o izboru najpovoljnijeg ponuđača broj: 11-17-358/26 od 19.05.2026. godine kojom je kao najpovoljniji ponuđač izabran „**ABV**“ **VL. VARKA ARMIN**.

Kako navedeni ponuđač u ostavljenom roku od 5 dana od dana prijema Odluke, ugovornom organu nije dostavio dokaze iz člana 2.1.3. tenderske dokumentacije, odnosno dokaze o ispunjavanju uslova iz člana 45. Zakona o javnim nabavkama, u skladu sa članom 72. stav 3. Zakona o javnim nabavkama („Službeni glasnik BiH“, broj 39/14, 59/22 i 50/24), ugovor se dodjeljuje drugorangiranom ponuđaču „**MIŠKO GROUP**“ **D.O.O. ŽEPČE** koji je učestvovao na e-aukciji.

Uzimajući u obzir navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba ugovornom organu (Javna ustanova Federalna novinska agencija) u skladu s članom 101. stav 5) Zakona o javnim nabavkama BiH, najkasnije u roku od 5 (pet) dana od dana prijema ove Odluke.



Dostaviti:

- Ponuđačima - 3x,
- a/a - 1x.

Potpis odgovornog lica

DIREKTOR